

Ноябрь

17

воскресенье

1940 ар №81 (97)

2-й арзэ потэ, №-лэн дуныз 5 коп.

КОММУНИЗМЕ

Редакциялэн адресз: ст. Пычас, УАССР, Коммунальной ульча, дом № 17, выльсь этаж, телефон № 14.

ВКП(б)-лэн
Пычасской
Райкомезлэн но
Райсоветлэн
органы

Нюлэс дасянэз вакчи дырын быдэстомы

Нюлэс дасян планэз дыраз быдэстон бадзым государственной значениё политической ужен луэ.

Нюлэс дасян планэз вакчи дырын быдэстыса колхоз'ёслэн ужасьёсы но вал кужымзы колхозной уж'ёсты дыраз быдэстыны мозмытскозы. Со бордысен тулыс ю кизёнлы дыраз но умой дасясыкыса выль урожай басытны быгатомы.

Асьме районсы азьмынсь колхоз'ёслэн но колхозной руководителёслэн бадзым опытсы вань ини. 1939—1940 ар'ёсы Б.Учинской сельсоветсы „Удмурт бубби“ колхозсы но Писеевской сельсоветсы Ильичлэн нимыныз нимам колхозсы азьмынсь колхозник'ёс стахановской амалын ужаса бжит кузя колхозлэсь нюлэс дасян планэз дырызлэсь азыло но мултэсэн быдэстызы. Соослы бадзым юрттэт сёттызы колхоз'ёслэн председателёссы Семенов но Королев эш'ёс. Выль возматэм колхоз'ёсысь ужасьёс сйзыл ик ужаны куткыса капчиен ужаны быгаттызы.

Нюлэс дасянэз быдэстыны самой умой дырын луэ ноябрь но декабрь толзэёс. Ужез умой быдэстон выльсь туэ но азьмынсь колхоз'ёс умой кутскизы. „Удмурт бубби“ колхозлэн нюлэс дасян планэз 13 ноябрьэз 43,7 процентлы быдэстэмын ни. Подвозкалы план сётэмын бвёл ке но 682 кубометр подвозить кариз ни. „Красный воин“ колхозлэн кораса дасян плаяз 45 процентлы быдэстэмын. Сельсовет'ёс пöльсь азьмынсен луэ Б.Учинской сельсовет. Быдэс сельсовет'я заготовкая план быдэстэмын 36,7 процентлы. Бере уг кылё Александровской сельсоветсы Калининлэн нимыныз нимам но „Искра социализма“ колхоз'ёс, Б.Кибынской сельсоветсы Челюскинлэн нимыныз нимам колхоз но Писеевской

сельсоветсы „Выль кадр“ колхоз.

Нормазэс мултэсэн быдэс'ясь колхозник'ёс но вань ни. Октябрь толзэе „Удмурт бубби“ колхозысь колхозник'ёс Небрачных Павел 269 кубометр, Григорьев Семен 268 кубометр но Федоров Василий 268 кубометр кораса быдэстызы. Ильичлэн нимыныз нимам колхозысь колхозник'ёс Кузнецов Илья 219 кубометр кораз но Кабанов Семен 239 кубометр нултыз.

Нюлэс дасянэз дыраз быдэстонэз жегато бере кылсь колхоз'ёс. Н.Юринской сельсоветсы „Кизили“ колхозлэн заготовкая планэз 4,5 процентлы но подвозкая 3,6 процентлы гинэ быдэстэмын. Б.Кибынской сельсоветсы Степан Разинлэн нимыныз нимам колхозлэн заготовкая планэз 6,5 процентлы но подвозкая 3,1 процентлы быдэстэмын.

Асьме районн планэз вакчи дырын быдэстыны котькыче условнось вань, сюлмысь ужен организовать каронэз гинэ вань. Азьмынсь колхоз'ёслэсь но колхозник'ёслэсь опытсэс п а с ь к ы т вöлмытоно. Котькыче амалын планэз быдэстонэз куашкатысьёслы дыраз но чурьт пезьдэт сётылоно.

Заготовканын гинэ ужан мылкыдэз палэнтыса вань уж'ёсын — заготовканын, подвозканын но вывозканын ужан борды но кутсконо ни.

Лесопунктын кивалтйсь ужасьёслы сюлмысь кутсконо нюлэс ужны ужасьёслэсь трудзэс организовать каронэ, стахановец'ёслэсь ужан амал'ёссэс вань ужасьёс пöлы вöлдöно.

Озы ик бадзым ответственостен ужаны кутсконо но куспазы социалистической чопатсконэз пычатон мастер'ёс но десятник'ёс кустыны. Нюлэс ужны ужанлэсь производительностьсэ вылэ жуьтыса эшшо но вакчи дырын быдэстоно нюлэс дасян планэз.

Васильевалэсь пример бастыно

Л.Шудзинской сельсоветсы „Чемошур“ колхозын егын переработать карон умой организовать каремын. Кыдсырьсь, звеноен кивалтйсь Васильева Раиса 10 мая 6 килограмм шук-

кон интые 8,7—8,8 килограмм шукке.

„Чемошур“ колхозлэн егын переработать карыны типовой помещениез вань.

З. Сенников.

Районной партийной собранилэсь решенизэ ужен быдэстоно

13 ноябре районной партийной собрание ортчиз. Собраниян ВКП(б)-лэн Удмуртской обкомезлэн ноябрьской пленумезлэн решениосыз сярысь вераськон вал. Собрание жутокем мылкыдын ортчиз. Ваньмыз 11 коммунист'ёс вераськизы. Вераськисьёс СССР-лэн Верховной Советэзлэсь 26 июне но 10 июле поттэм Указ'ёссы уж вылын быдэс'ян сярысь, общественной пудо вордон, партийной пропагандалэн мынэмез но кадр'ёсты выдвигать но соосты воспитывать карон сярысь вераськизы.

Собраниян трос тырмытэ уж'ёс шараяськизы. Указ'ёсты уж вылын быдэстонын чидантэм ляб ужал районсы судебносудственной орган'ёс. Казанской чугунолитейной заводской лесопунктысьтыз начальникез заместителез Субботин ужан дырын юса прогул лэсьтыз. Соны дурбастыса султыз лесопунктлэн начальникез

Александров. Суд кулэтэм свидетельёсты отыса Субботинлэсь прогулзэ зэм бвёл шуыса оправдать кариз, солэсь прогулзэ ватйсь Александров но наказанитэк кыллиз. Наркомлеслэн лесопунктысьтыз ужасьёс Чайников но шофер Коробейников зэмэз ик прогулять каризы. Факт'ёс тырмыт возматэ вал со сярысь. Суд оправдать кариз. Озы ик суд прогул'ёс сярысь уж'ёсты 20 нуналось бере кыллыса эскерылэ. Срокез ортчыса эскерымтэ уж'ёс али но трос на.

Прогул'ёсын ноярьськон али но ляб пунктэмын на. 10 комсомолец'ёс но 3 коммунист'ёс прогул лэсьтызы ни, 3 коммунист'ёс пöльсь но 2 дышетсьёс луо (Канигин но Костомаров Е.).

Собрание озы ик общественной пудо вордонн, ВКП(б)-лэн историзлэсь краткой курсэ“ дышетсконын но кадр'ёсын воспитательной уж нуонн тырмытэосты пусйиз.

Общественной пудо вордонн гид'ёс лэсьтон но соосты толалтэлы дасян ляб мынэ. Райзолэн живсекторез со ужен ляб руководить каре. „ВКП(б)-лэн историзлэсь краткой курсэ“ дышетсконэ коммунист'ёс кутскизы ке но тросэз I—II главаосты кыкетй арзэс дышетско ни. Озы ик ляб пунктэмын уж нылкышноосты руководящой уже кысконэн.

Собрание вань та вопрос'ёсын решение кутйз. Вань фермаосты пудо йырын комплектовать карыса гид'ёсты тупатонэз 20 ноябрьэз быдэстыны пукйиз. ВКП(б)-лэсь историзэ дышетсконэн кивалтонэз умолатыны косйз райкомлэсь пропаганда но агитация отделзэ. Руководящой уже нылкышноосты тросгес выдвигать карыны но егит ужасьёсын воспитательной уж нуоны кулэен лыдяз.

Районной партийной собранилэсь вань решениосэз уж вылын быдэстон понна кужмысь ноярьськонно.

Колхоз'ёсысь крестьян калыклэн кровной ужен

СССР-лэн Верховной Советэзлэн Президиумез 2 октябре 1940 арын государственной трудовой резерв'ёс сярысь но егит'ёслы ремесленной училищес но Фабрично-Заводской обученилы школаос кылдытон сярысь Указ поттыз. Арысь-аре Советской правительство призывать кароз та школаосы 0,8—1 миллион мурт егит пиосты.

Город'ёсын егит'ёсты люкан ужен нуоз трудящийёслэн депутат'ёсылэн советсы. Колхоз'ёсын колхоз председателёс котькуд 100 член'ёс пöльсь

(14-исен 55 аресозь) 2 егит муртэз выделить карозы школае лэзыны.

Государство дун бастытэк дышетэм сяна та школаосы дышетскисьёсты ачиз содержать но кароз, школае мыныны понна сюрес дун тыроз.

Промышленностез азыланьын но паськытатон понна шахтаосы, рудник'ёсы, завод'ёсы но фабрикаосы эшшо но тросгем ужас ёс кутонэ луэ. Рабочий класслэсь лыдзэ арысь-аре унояттэк промышленностьлэн будэмез уг луы. Нош промышлен-

ностьлэн будэмез колхоз'ёслы тросгем трактор'ёс, комбайн'ёс, машинаос, автомобильёс, химической удобрениос, гурт'ёсысь электростанциослы оборудованиос бастыны луонлык усьтоз.

Колхоз гуртлэн улон зечлыкэз будэ арысь-аре. Соин валче колхозник'ёслы тросгем но тросгем дромышленной товар'ёс кулэ луо. Чаклалэ ай гуртысь кыче ке магазинэз: басма, дыскут, пыдкучан, сион-юон продукт'ёс, велосипед'ёс, патефон'ёс вайыса гинэ вутто но час кустыны соос уг ни луо.

Егит'ёс котькуд колхозын вань. Колхозлэн унозэ соос пöльсь аслыз ущербтэк лэземез луоз производство.

Машинаен ужан уно кыосты ужлэсь мозмытэ. 1937 арын, кылсырьсь, МТС'ёс 7 миллион адымилэсь ужзэ воштызы. Соин тини производствое выль призывать карем'ёс эшшо но умоятозы асьме странамылэсь улон зечлыкэс, юматозы обороноспособностьсэ, юматозы промышленностисэ по колхоз'ёсты. В. Карпинский.

Мы с радостью пошлем своих детей в Ремесленные и Железнодорожные Училища и школы Фабрично-Заводского Обучения



Бордгазет'ес сярсы

Ужлэсь мычэмзэ возматон бордгазетлэн нырысетй задачеыыз луэ. Бордгазет возматны кулэ азьмынйсь ужасьёслэсь ужан опытсэс, СССР-лэн Верховной Советэзлэн Президиумезлэсь 26-тй июне но 10 июле потэм Указ'ёсызлэсь быдэстйськемзэс. Бордгазетлы озыл ик возматон луэ социалистической соревнованилэн мычэмзэ сярсы, ужез выль зечлыкэн но вакчи дыр куспын быдэстон, партилэн но правительстволэн решениосы но соослэн значенизы сярсы.

Пычас почтаын бордгазет'ес сярсы курем берамы кыкелзлэсь материал'ёсез кытысь ке шкафлыдысь поттыса мычизы. „Та сяна өвөл, кылем'ёсез кабинета ворсаллям“, — синзэ ватыса вераз Чучаев, бордгазетлэн редакторез.

Кык экземпляр'я уг луэ бордгазетлэсь ужзэ умой-умой эскерыны. Газетлэн вылтусыз туж урод, материал'ёс уно грамматической янгыш'ёсын гож'ямын. Урод гож'ямен пуштроез'я умой материал ик алама луэм, интыен-интыен валано ик өвөл. 6 ноябре поттэм бордгазетсылэн передовоезлэн йырызыз тазы гожтэмын:

„23-я Годовщина Октябрьской Социалистической Революции“. Одыг газетэз но өз адзы на, луоз, почталэн ужасез, сыче неграмотно гож'яське бере. Газет быдэсак сыче кыл'ёсын гож'ямын. „К величающему дню“, „общественной порадок“ но мукет сыче гожтэм кыл'ёс каждой строкаыз пумтэм-йылтэм.

Вань таце тырмытэос редакторлэн газетэз понна сюлмазькытэ бордысь пото. Июнь толзэбэсы потэм бордгазетын Перфилов радиотехниклэн урод ужа-

мез сярсы гожтэмын вал. Перфилов та бордгазетэз ужасьёс азын кесяса куштыз. Чунаев таце ужез адзыса нокыче ужрад но өз куты Перфиловез ответственность улэ кыскон понна. Таце ик уж маслозаводын но. „Красный маслодел“ бордгазетлэн редакторез Фомин заводлэн заведующеез Иванов сярсы бордгазетаз материал поттыз. Иванцовлы кельшымтэ та шонер гожтэм материал. Со вань ужасьёсты Фомин вылэ узатйз, Фоминез преследовать карыны кутскизы, бордгазетэз ошэмьсь басьтыгызы. Ожыт улыса бордгазет „ышиз“. Ужез умой эскерем интые та факт сярсы бжыт вераськемен гинэ ортчиз.

Умой бордгазет потто райзоын. Газетсылэн тусыз но умой, пуштроез но алама өвөл. Указ'ёсты уж вылын быдэстэм, трудовой дисциплина но уно мукет уж'ёс сярсы гож'я та газет. Соиз гинэ умойтэм, газет праздник'ёс но юбилейной нунал'ёс азын гинэ потэ, ваньмыз туэ 6 номер сяна поттэмын өвөл на. Газет уг гож'я на азьмынйсь ужасьёслэн опыты сярсы, райзоын умой ужасьёс вань ке но. Со сяна, материал'ёс улын фамилиос интыын „перо“, „адзис“, „чаклась“ но мукет кыл'ёс гожтэмын. „Пероос“ почталэн газетаз но бжыт өвөл.

Бордгазет'ёсты коллективной организатор но пропагандист карон понна редколлегиялэн член'ёсызлы массаосын юн герзаськоно, газетлэн ужез борды колхоз'ёсысь стахановец'ёсты, школаосысь отличник'ёсты, предпрятиосысь опытной ужасьёсты кыскон.

Бордгазет'ёс большевизмлэн зэмзэ но идейной оружиеныз мед луозы.

Егит'ёслэн малпанзы — дышетскон

Государственной Трудовой Резерв'ёс сярсы СССР-лэн Верховной Советэзлэн Президиумезлэн Указэз потэм бере асьме районьсь колхозной егит'ёс жутскем мылкыдын Ремесленной Училищесы но Фабрично-Заводской Обученилэн школаосаз дышетскыны заявлениос сётыло.

12 ноябрь азелы Ремесленной Училищесы но Фабрично-Заводской Обу-

ченилэн школаосаз 213 заявлениос сётэмын. 15 ноябрьсен комиссия ужаны кутскиз. Выль верам школаосы дышетскыны мылкыд карыса М-Валожкинской, Александровской но Писеевской сельсовет'ёсысь егит'ёс трос заявлениос сётйзы. Тини озын егит'ёс асьсэлэсь квалификацияз вылэ жутозы, дышетскыса асьсэлы специальность басьтозы.

Жыт'ёс мөзмыт ортчыло

Пычас райцентрын клуб вань ке но, клубын кино, постановкаос уг луылы. Соин ик жыт'ёс мөзмыт ортчыло. Клублэн заведу-

юшоез Юровский но рай-ОНО калык'ёслэсь шутэскон дьрзэс культурно ортчятон понна бжыт сюлмазько.

Комсомол ляб ужа

Куиньметй районной комсомольской конференция бере уно комсомольской организациос ужзэс выльдызы. Средней школась комсомольской организация (секретарез Филиппов) ас радаз 26 дышетскись пинал'ёсты пыртйзы. Комсомольской собраниянос татын активно орчылло, комсомолец'ёс ужлэсь тырмытэосез параяло но азыланьын соосты быдтыны тыршо.

Ужзэс умоятйзы „Майская борозда“, „Выль кадр“ но мукет колхоз'ёсысь организациос но.

Урод ужало на „Вормись“ (секретарез Боткин), Н-Юринской сельсоветысь „1 Май“, „Кизили“ но Ленинлэн нимыныз нимама колхоз'ёсысь комсомольской организациос. Райкомлэн членез Боткин өтем'я ноку уг лыкты, пленуме но өз ветлы. Умой ужаны тырпем интые со пассивничать каре.

Хлебников.

Нимыз гинэ клуб

Л-Шулзинской сельсоветысь „Выль-сюрес“ колхозлэн клубаз одйг газет но уг лыкты. Клублэн заведующеез Прохоров С. клублы кулэ тырлык шедьтон понна номыр ик өз лэсты на. Клубын өвөл жёк, пукон'ёс, лампа, шахмат'ёс но шалкаос. Клубез ноин уг эсты. Культурно шутэскон интылы колхозлэн правлениез нокыче саклык уг вис'я.

Корнева.

Суд

Кеч'ёсты вандылэм понна вить арлы

6 ноябрь 1940 арын Пычас районьсь калык суд М. С. Галашова но Е. Т. Ждановалэсь уж'ёсез эскериз. Та кышномурт'ёс азьвыл ик кеншыса август толзэ Наговицыналэсь одйг кечэ но Лобовиковалэсь куинь курегзэ вандыса асьсэ куспын люкыллям.

Галашова но Жданованы одйг кечен тырмытэ. 17 сентябрь ворасьёс М. А. Андрияновлэсь кечэ кутыса райпрокуратуралэн муржолаз вандыллям (Галашова прокуратуралэн техничкаеныз ужа вал).

Преступлениеосез под-судимойёс суд азын признать карызы. Галашова но Жданова быдэн вить арпукыны присудить каре. мын но кеч'ёслэсь дунзэс быдэн вить сю манет тырыны.

Н. Петров.

ГРАНИЦА СЬОРЫСЬ ИВОР'ЭС

Греция но Италия куспын война

Битоль, 12 ноябрь. (ТАСС). Биглиста-Кристалокилэн районоз кёня кенунал пыпыт улэм бере, толон жытазе итальянской войскоос греческой позициос вылэ наступать карыны кутскизы. Грек'ёс уллямын вал.

Туннэ чукна авиацилэн дейвиосыз кутскизы. Итальянской авиация грек'ёслэсь мышсэс бомбардировать кариз. Английской самолет'ёс итальянской войскоослэсь мышсэс бомбардировать каризы. Татчы вуэм ивор'ёс'я, итальянец'ёслэн наступлениезы азынлыко мынэ. Грек'ёслы пумит действовать карись альпийской дивизия Санти-Кваранта портэ васькиз.

Нью-Йорк, 12 ноябрь. (ТАСС). Юнайтед Пресс агентстволэн ивортэмез'я, итальянской войскоос артиллерияны былызы Морова гурезьлэн нуназе пал бамыстыз греческой соединениосы но укрепленной позициосез. Артиллерияны былыса дасям беразы, итальянской частьёс атакаос нууса, кёня ке важной горной позициосы басьтызы. Грек'ёс кёня ке пункт'ёсысь чигнано луизы. Греческой войскоос итальянец'ёслэсь

Каламас шурлэн районэтиз Пираматья пала наступлениез дугдытызы. Трос сюрс итальянской военно-пленнойёс 10 ноябрь Янинэ вуттэмын. 600 итальянской военно-пленнойёсты Салоникие келязы.

Греческой радиолэн ивортэмез'я, греческой войскоос Пинд гурезьёслэн районэтиз итальянец'ёсты уйыса мыно. Трос муртэ пленэ басьтэмын но трос военной материал'ёс таламын. Каламас шурлэн районоз итальянец'ёс чигнано луизы.

Итальянской самолет'ёс Валоньсь нефтехранилищес вылэ тыл куштызы. Санти-Кваранта портэ одйг итальянской военной корабль-сбремен. Английской самолет'ёс Конисполисысь верфьёсты бомбардировать каризы.

Белград, 12 ноябрь. (ТАСС). „Политика“ газетлэн ивортэмез'я, английской самолет'ёс бомбардировать каризы Италилен югыстыз город'ёсез но Албаниясь порт'ёсты, куд'ёсаз али итальянской войскоосы васькытон мынэ. Огазеяськем греко-английской воздушной кужым'ёс озы ик бомбардировать каризы фронтэз тылэн герзась сюрес'ёсты.

Румыныч муз'ем зуркам сярсы

Лондон, 12 ноябрь. (ТАСС). Рейер агентство лэн Софинысь ивортэмез'я, Бухарестысь вуэм берло сведениос'я, Румыныч муз'ем зуркаса 10 сюрлэсь трос адями быремын. Карлтон небоскреб сяна быдэсак куашкамын на трос 8 этаж'ем дом'ёс. Соос улэ паськаса быремын сюрелэсь трос адямиос. 11 ноябрь 8 час но 35 минутын чукна нош ик муз'емлэн зуркамыз шб-

дыськиз. Та дырозь татчы вуэм сведениос'я, кык-татйзэ муз'ем зуркаса, азь-выл чаклам сярсы, из'ян эшо бадзым луэмын. 10-лэсь трос город'ёс из'янмыны шедизы. Со 10 город'ёс пёлы ик пыро Плоешти, Бузау, Галац но Яссы, озы ик трос гурт'ёс из'янмыны. Трос сю мурт быремыч. Галацысь дунайской портысь куашкам дом'ёс улысь 30 шойёс но 100 мурт сбсырмем'ёс поттэмын.

Селькор гожтэт'ёс'я

Селькор Николаев эш редакция гожтэмез вал Пычасской СШ-ын 5 классын дышетскисьёс Петров Архип, Васильев Иван но Степанов дышетскыны мылзы потытэк Пычасэти но марветло, доразы сётэм заданности уг быдэс'яло шуыса.

Та гожтэтэз редакция эскерыны Пычасской СШ-лэн дирекцияз лэзиз вал. СШ-лэн дирекцияз ивортэ, что возматэм факт'ёс земазы, Петров, Васильев но Степанов дышетскисьёс чемысь урокэс келляло озы ик школае бер вуыло. Васильев первой четвертьын одйг но „посредственной“ отметка өз басьты-ваньмыз отметкаосыз „плохо“.

Та дышетскись пинал'ёслэсь тодемзэс вылэ жу-тон улсын мераос кутэмын умой дышетскисьёс борды прикрепить карыса, урок бере келляса но бордгазет пыр, но соослы та мераос уг юртто на.

Та дышетскись пинал'ёслэн родительссы асьсэ пинал'ёссы понна ичи сюлмазько, родительской собраниясы уг ветло.

Иванов селькорлэсь „Колхозной собственности расхитить карись“ нимо гожтэтэс басьтыса та гожтэтэз редакция райпрокуратурае эскерыны лэзьяз. Прокуратура гожтэтын возматэм факт'ёс өз зема-лэ шуыса ивортйз.

РЕДАКЦИЯ.

Отв. редактор М. А. Шарипов.